

ანგარიში

აფხაზეთის ავტონომიური რესპუბლიკის სამთავრობო
სტრუქტურების მიერ 2018 წლის I კვარტალში
გატარებული ღონისძიებების შესახებ



სარჩევი


ზოგადი მიმოხილვა	3
დიაგრამა № 1: აფხაზეთიდან იძულებით გადაადგილებულ პირთა ხვედრითი წილი განსახლების სახის მიხედვით 2018 წლის 01 აპრილისათვის.....	3
ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით.....	4
დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2018 წლის 01 აპრილისათვის.....	5
დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2018-2017 წ.წ. 01 აპრილისათვის.....	5
სოციალური სფერო	12
<i>ჯანდაცვა</i>	12
<i>განათლება, კულტურა, სპორტი</i>	17
ეკონომიკის სფერო	19
<i>ბიზნეს სექტორი</i>	19
დიაგრამა № 4: საშუალო თვიური ხელფასების შედარება 2018/I კვ.-2017/I კვ. მოქმედ ფასებში.....	20
<i>პროდუქციის ბრუნვა და გამოშვება</i>	20
დიაგრამა № 5: პროდუქციის ბრუნვა/გამოშვება 2018/I კვ.-2017/I კვ.....	20
დიაგრამა № 6: ენერგოსაწარმოების მიერ გამოიმუშავებული პროდუქციის ბრუნვა/გამოშვება 2018/I კვ.-2017/I კვ.....	21
აფხაზეთის ავტონომიური რესპუბლიკის მთავრობის მიერ სახელმწიფო წილით დაფუძნებული საწარმოების ფუნქციონირების შედეგები	21
სოფლის მეურნეობა	23
სახელმწიფო ქონების მართვა და პრივატიზება	25
გეოლოგია	27
საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი	28
აფხაზეთის ავტონომიური რესპუბლიკის ბიუჯეტი	29
დიაგრამა №7: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/I კვ.	29
დიაგრამა №8: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/I კვ.-2017/I კვ.....	29
ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები. 2018/I კვ.....	30
დიაგრამა № 9: შემოსულობებისა და გადასახდელების შედარება 2018/I კვ.-2017/I კვ.....	31

წინამდებარე ანგარიში მომზადებულია 2018 წლის I კვარტლის სტატისტიკურ მონაცემებზე დაყრდნობით და აფხაზეთის ავტონომიური რესპუბლიკის სამინისტროებისა და უწყებებისაგან მიღებული მასალების საფუძველზე. ანგარიში განსახილველად წარედგინება აფხაზეთის ავტონომიური რესპუბლიკის მთავრობას.

ზოგადი მიმოხილვა

2018 წლის 01 აპრილისათვის აფხაზეთის ავტონომიური რესპუბლიკის დევნილთა საქმეების დეპარტამენტის მონაცემებით საქართველოს სხვადასხვა რეგიონში განსახლებულ აფხაზეთიდან იგპ-თა საერთო რაოდენობა შეადგენდა 242 695-ს, მათ შორის ქ. თბილისში – 102 493 (42,2%), სამეგრელო-ზემო სვანეთში – 88 831 (36,6%), იმერეთში – 26 831 (11,1%), ქვემო ქართლში – 9 629 (4,0%), აჭარაში – 6 916 (2,8%), სამცხე-ჯავახეთში – 2 303 (0,9%), შიდა ქართლში – 2 241 (0,9%), კახეთში – 1 236 (0,5%), მცხეთა-მთიანეთში – 927 (0,4%), რაჭა-ლეჩხუმ-ქვემო სვანეთში – 763 (0,3%), გურიაში – 525 (0,2%). კომპაქტურად ჩასახლებული იყო 8 012 (3,3%), ხოლო კერძო სექტორში – 234 683 პირი (96,7%). მიმდინარე პერიოდისათვის ქვეყნის მასშტაბით კომპაქტურად ჩასახლებულ ობიექტთა რაოდენობა შეადგენდა 632 ერთეულს.

დიაგრამა № 1: აფხაზეთიდან იძულებით გადაადგილებულ პირთა ხვედრითი წილი განსახლების სახის მიხედვით 2018 წლის 01 აპრილისათვის



ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით


2018 წლის 01 აპრილის მდგომარეობით

	რიცხოვნობა			პროცენტობით		არაპრივატიზებული კომპაქტ. ობიექტ. რაოდენობა
	სულ	მათ შორის		მათ შორის		
		კერძო	კომპ.	კერძო	კომპ.	
სულ	242695	234683	8012	96.7	3.3	632
<i>მათ შორის:</i>						
აღმოსავლეთ საქართველოში	118829	116586	2243	98.1	1.9	193
ქ. თბილისი	102493	100822	1671	98.4	1.6	151
ქვემო ქართლი	9629	9504	125	98.7	1.3	12
შიდა ქართლი	2241	2137	104	95.4	4.6	14
მცხეთა-მთიანეთი	927	848	79	91.5	8.5	7
კახეთი	1236	1219	17	98.6	1.4	5
სამცხე-ჯავახეთი	2303	2056	247	89.3	10.7	4
დასავლეთ საქართველოში	123866	118097	5769	95.3	4.7	439
სამეგრელო-ზემო სვანეთი	88831	85137	3694	95.8	4.2	341
აჭარა	6916	6898	18	99.7	0.3	1
იმერეთი	26831	24815	2016	92.5	7.5	88
რაჭა-ლეჩხუმ-ქვემო სვანეთი	763	722	41	94.6	5.4	9
გურია	525	525	0	100.0	-	-


2017 წლის ანალოგიურ პერიოდთან შედარებით იგპ-თა საერთო რაოდენობა გაიზარდა 2 620 პირით (1,1%), მათ შორის აღმოსავლეთ საქართველოში 1 452 პირით (1,2%-ით), ხოლო დასავლეთ საქართველოში – 1 168 პირით (1,0%-ით). რეგიონების მიხედვით: ქ. თბილისში – 1 318 იგპ-ით ანუ 1,3%-ით, ქვემო ქართლში 112 იგპ-ით ანუ 1,2%-ით, სამცხე-ჯავახეთში – 19 იგპ-ით ანუ 0,8%-ით, სამეგრელო-ზემო სვანეთში 715 იგპ-ით ანუ 0,8%-ით, აჭარაში – 33 იგპ-ით ანუ 0,5%-ით, იმერეთში – 451 იგპ-ით ანუ 1,7%-ით, მცხეთა-მთიანეთში – 18 იგპ-ით ანუ 2,0%-ით, გურიაში - 2 იგპ-ით ანუ 0,4%-ით. დევნილთა

რაოდენობა შემცირდა შიდა ქართლში – 8 იგპ-ით ანუ 0,4%-ით, კახეთში – 7 იგპ-ით ანუ 0,6%-ით, რაჭა-ლეჩხუმ-ქვემო სვანეთში 33 იგპ-ით ანუ 4,1%-ით.

დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2018 წლის 01 აპრილისათვის



დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2018-2017 წ.წ. 01 აპრილისათვის



2018 წლის I კვარტალში იგპ-თა სოციალურ-ეკონომიკური რეაბილიტაციის მიზნით აფხაზეთის ავტონომიური რესპუბლიკის მთავრობისა და მისდამი დაქვემდებარებული სამინისტროებისა და უწყებების მიერ ქ. თბილისსა და რეგიონებში გატარდა სხვადასხვა სახის ღონისძიებები, განხორციელდა პროგრამები. საქმიანობაში პრიორიტეტებს წარმოადგენდა:

- ორგანიზებულად ჩასახლებულ ობიექტებში საყოფაცხოვრებო პირობების შესწავლა და რეაბილიტაცია კომპეტენციის ფარგლებში;
- სოციალური (ჯანდაცვითი და საგანმანათლებლო) პროგრამების განხორციელება;
- იგპ-თა დასაქმების ხელშეწყობა;
- იგპ-თა მოქალაქეობრივი ინტერესებისა და კანონიერი უფლებების დაცვა;
- საქართველოს რიგი უწყებების ხელშეწყობით იგპ-თათვის სხვადასხვა სახის, მათ შორის ჰუმანიტარული დახმარება;
- აფხაზეთის გახლეჩილი საზოგადოების წევრებს შორის ნდობის აღდგენისა და შერიგების პროცესის, აგრეთვე გაყოფილ ტერიტორიაზე მცხოვრებ, საერთო ინტერესების მქონე ჯგუფებს შორის ურთიერთობის ხელშეწყობა;
- სამთავრობო და არასამთავრობო (ადგილობრივ და საერთაშორისო) ორგანიზაციებთან თანამშრომლობა.

საანგარიშო პერიოდში აფხაზეთის ავტონომიური რესპუბლიკის მთავრობის რეგიონული წარმომადგენლობების მიერ, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს ტერიტორიულ ორგანოებსა და ადგილობრივ თვითმმართველობის ორგანოებთან თანამშრომლობით გრძელდებოდა ორგანიზებულად ჩასახლებული ობიექტების მდგომარეობის შესწავლა. დევნილ მოსახლეობას, შესაძლებლობის ფარგლებში, დახმარება გაეწია დროებითი საცხოვრებელი ფართების რეაბილიტაციაში, მოხდა შენობა-ნაგებობების გადახურვა, ელექტრო და წყალგაყვანილობების შეკეთება, გამოსწორდა სამშენებლო ხარვეზები. დევნილი მოსახლეობის მაქსიმალურად ჩართულობის მიზნით, სისტემატურად ხდებოდა რეგიონებში ინფორმაციის მიწოდება სხვადასხვა სახის პროექტების გასაცნობად.

საქართველოს სხვადასხვა რეგიონში მცხოვრებ იგპ-ებს გაეწიათ სამართლებრივი ხასიათის კონსულტაციები და დახმარებები (დაბადების მოწმობის აღდგენა, სამუშაო სტაჟის დადგენა, პირადობის მოწმობის აღება, აგრეთვე საქართველოს ოკუპირებული ტერიტორიებიდან იგპ-თა, განსახლებისა და ლტოლვილთა სამინისტროს მიერ საკუთრებაში გადაცემული ფართის პრივატიზაციასთან, ომისა და სამხედრო ძალების ვეტერანთა პენსიასთან, მოქალაქეობასთან დაკავშირებული საკითხები და სხვა). რამდენიმე დევნილ სტუდენტს გაეწია შუამდგომლობა სწავლის (სტუდენტის სტატუსი) აღდგენის, საფასურის გადანაწილებისა და სხვა მათთვის საჭირო პრობლემის გადაწყვეტასთან დაკავშირებით. სოფლის მეურნეობის განვითარებისა და სოფლად

დევენილთა დასაქმების ხელშეწყობის მიზნით დაინტერესებულ იგპ-ებს გაეწია სამართლებრივი და ტექნიკური ხასიათის კონსულტაცია, სასოფლო-სამეურნეო კოოპერატივების შექმნის, მათი ორგანიზების, ზოგადად სოფლის მეურნეობის სფეროსა და პროგრამებით „აწარმოე საქართველოში“ და „დანერგე მომავალი“ სარგებლობასთან დაკავშირებით როგორც ქ. თბილისში, ასევე ბორჯომში, გორში, ხაშურში, თელავში, გურჯაანში, ბოლნისში და გარდაბანში.

შესაძლებლობის ფარგლებში მატერიალური დახმარება გაწეულ იქნა სამედიცინო მომსახურების თანადაფინანსებაშიც. მიმდინარეობდა მუშაობა იგპ-თა დასაქმების ხელშეწყობის კუთხით.

აფხაზეთის ავტონომიური რესპუბლიკის მთავრობასა და ესპანურ ინტეგრაციისა და სოლიდარობის ფონდს „FINSOL“ შორის გაფორმებულ ერთობლივ მემორანდუმში გარკვეული ცვლილებების შეტანის მიზნით, ქ. მადრიდში, „FINSOL“-ის ოფისში, ხელი მოეწერა ახალ მემორანდუმს, რამაც შესაძლებლობა მისცა ორივე მხარეს განახორციელონ ერთობლივი ჰუმანიტარული და სოციალური პროგრამები.

აფხაზეთის ავტონომიური რესპუბლიკის მთავრობის 2017 წლის 20 იანვრის №1 დადგენილების შესაბამისად, აფხაზეთის ავტონომიური რესპუბლიკის მთავრობის წარმომადგენლობებში შეიქმნა „აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა - დევნილთა სოციალური დაცვის მიზნით, ერთჯერადი დახმარების გამცემი კომისიები“, რომელთა უფლებამოსილებასაც განეკუთვნება აფხაზეთის ავტონომიური რესპუბლიკის რესპუბლიკური ბიუჯეტით დადგენილი, აფხაზეთის ავტონომიური რესპუბლიკის ოკუპირებული ტერიტორიიდან დევნილ, სოციალურად დაუცველ კატეგორიებზე ერთჯერადი მატერიალური დახმარების გაწევის ორგანიზება. აფხაზეთის ავტონომიური რესპუბლიკის 2018 წლის რესპუბლიკური ბიუჯეტით სოციალური პროექტების დაფინანსება, სოციალური დახმარების კუთხით, გაიზარდა.

საანგარიშო პერიოდში აფხაზეთის ავტონომიური რესპუბლიკის მთავრობის რეგიონალურ წარმომადგენლობებს ერთჯერადი მატერიალური დახმარების მისაღებად განცხადებით მიმართა 2 231 დევნილმა ბენეფიციარმა და შესაბამისი წარმომადგენლობების კომისიების განხილვის შედეგად, დაკმაყოფილებულ იქნა 799 განცხადება და გაცემულ იქნა ფინანსური დახმარება სულ 117 150 ლარის ოდენობით.

აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა - დევნილთა საკუთრებაში/სარგებლობაში გადაცემულ საცხოვრებელ ობიექტებში მცირე ფასიანი და გადაუდებელი სარემონტო სახის სამუშაოების ჩატარების მიზნით შექმნილი შესაბამისი კომისიების მიერ, პროგრამის ფარგლებში (800 ლარი) დაფინანსდა 7 განაცხადი, ხოლო გაცემულმა თანხამ შეადგინა სულ 5152,1 ლარი. აფხაზეთის ავტონომიური რესპუბლიკის 2018 წლის რესპუბლიკური ბიუჯეტით, იგპ-თა მართლზომიერ მფლობელობაში გადაცემულ საცხოვრებელ ფართებში

მცირე სარემონტო სამუშაოების დაფინანსება გაორმაგდა, რამაც დევნილ მოსახლეობას საყოფაცხოვრებო პირობების გაუმჯობესების შესაძლებლობა მისცა.

აფხაზეთის ავტონომიური რესპუბლიკის დევნილთა დეპარტამენტის მონაცემებით, სოციალური უზრუნველყოფის მუხლიდან გაიხარჯა 10 174,45 ლარი, მ.შ. აფხაზეთის მთავრობის სარეზერვო ფონდიდან დაფინანსდა და მატერიალური დახმარების სახით 4 ოჯახზე გაიცა 7 620 ლარი. დამქირავებლის მიერ გაწეულმა სოციალურმა დახმარებამ (ბიულეტენი) შეადგინა 2 554,45 ლარი.

საანგარიშო პერიოდში აფხაზეთის ავტონომიური რესპუბლიკის მთავრობის წარმომადგენლობების „აფხაზეთის ოკუპირებული ტერიტორიიდან იძულებით გადაადგილებულ (დევნილის სტატუსის მამიებელი) პირთა ფოტოიდენტიფიკაციის დადასტურებისა და მუდმივი საცხოვრებელი ადგილის დამდგენ კომისიებში“ შესულია 224 განცხადება. აქედან გაიცა დადებითი 196 დასკვნა, უარი ეთქვა 12 განმცხადებელს, ადმინისტრაციულ წარმოებაშია 16 განცხადება.

საანგარიშო პერიოდში აფხაზეთის ავტონომიური რესპუბლიკის იუსტიციის დეპარტამენტის მიერ უზრუნველყოფილ იქნა:

- „აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა - დევნილთა სოციალური დაცვის მიზნით ერთჯერადი დახმარების გაცემის წესის დამტკიცების შესახებ“ აფხაზეთის ავტონომიური რესპუბლიკის მთავრობის დადგენილების პროექტზე ჩატარებული სამართლებრივი ექსპერტიზების შედეგად, აფხაზეთის ავტონომიური რესპუბლიკის მთავრობის 2018 წლის 26 იანვრის №2 დადგენილების გამოქვეყნება „საქართველოს საკანონმდებლო მაცნეს“ ვებგვერდზე. აღნიშნული დოკუმენტით რეგულირდება აფხაზეთის ავტონომიური რესპუბლიკიდან დევნილ, სოციალურად დაუცველ მოქალაქეებზე (ოჯახებზე) ერთჯერადი მატერიალური დახმარების გაწევა;
- „აფხაზეთის ავტონომიური რესპუბლიკის ოკუპირებული ტერიტორიიდან იძულებით გადაადგილებულ პირთა - დევნილთა საკუთრებაში/სარგებლობაში გადაცემულ საცხოვრებელ ობიექტებში მცირეფასიანი და გადაუდებელი სარემონტო სახის სამუშაოების ჩატარების წესის დამტკიცების შესახებ“ აფხაზეთის ავტონომიური რესპუბლიკის მთავრობის დადგენილების პროექტის სამართლებრივი ექსპერტიზის საფუძველზე, აფხაზეთის ავტონომიური რესპუბლიკის მთავრობის 2018 წლის 26 იანვრის №1 დადგენილების გამოქვეყნება. აღნიშნული დოკუმენტით რეგულირდება დევნილთათვის გადაცემულ საცხოვრებელ ობიექტებში მცირეფასიანი და გადაუდებელი სახის სარემონტო სამუშაოს გატარება, რაც ხელს შეუწყობს მათი საყოფაცხოვრებო პირობების გაუმჯობესებას.

აფხაზეთის ავტონომიური რესპუბლიკის მოქმედი, კოდიფიცირებული ნორმატიული აქტების ხელმისაწვდომობის მიზნით, სისტემატურად ხორციელდებოდა აფხაზეთის მოქმედი კოდიფიცირებული ნორმატიული აქტების სისტემატიზირებული ვერსიების შექმნა, ხოლო აფხაზეთიდან იძულებით გადაადგილებულ პირთა - დევნილთა უფლებების დაცვის ხელშეწყობის მიზნით, საკანონმდებლო და კანონქვემდებარე ნორმატიული აქტების სიახლეების განთავსება დეპარტამენტის ოფიციალურ ვებ-გვერდზე. ამასთან, დევნილი მოსახლეობის უფლებებისა და კანონიერი ინტერესების დაცვის ხელშეწყობის მიზნით განხორციელდა აფხაზეთის საარქივო ფონდის შევსება, საარქივო დოკუმენტების აღწერა-სისტემატიზირება დოკუმენტების შემდგომი გამოყენების მიზნით.

საანგარიშო პერიოდში დეპარტამენტის კომპეტენციაში შემავალ საკითხებზე საქართველოს ზოგადი ადმინისტრაციული კოდექსით გათვალისწინებულ ვადებში სათანადო წერილობითი რეაგირება განხორციელდა აფხაზეთის ავტონომიური რესპუბლიკის იუსტიციის დეპარტამენტში შემოსულ არაერთ წერილობით განცხადებაზე. ამასთან, აფხაზეთიდან იძულებით გადაადგილებულ პირებს გაეწიათ სამართლებრივი კონსულტაციები ისეთ საკითხებზე, როგორცაა პიროვნების დადგენა, სტაჟის დადგენა, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და დევნილთა სამინისტროს მიერ საკუთრებაში გადაცემული ფართის პრივატიზაცია, უფლების დამდგენ დოკუმენტში შესწორების შეტანა. სარჩელის (განცხადების) პროექტის მომზადებაში დახმარება გაეწიათ შრომის სტაჟის დადგენის, ქორწინების აქტის აღდგენის, გარდაცვლილად გამოცხადებისა და სხვა იურიდიული ფაქტების დადგენასთან დაკავშირებით.

საანგარიშო პერიოდში სამხედრო-სავალდებულო სამსახურში (საგაზაფხულო გაწვევა) სულ გაწვეულ იქნა 45, გადავადების მოსაკრებელი (2 000 ლარი) გადაიხადა 2 წვევამდელმა.

2018 წლის I კვარტალში ფუნქციონირებას აგრძელებდა აფხაზეთის ავტონომიური რესპუბლიკის სავაჭრო-სამრეწველო პალატა. დაიდო ურთიერთთანამშრომლობის მემორანდუმები:

- ჩერკასკის სავაჭრო-სამრეწველო პალატასთან;
- მთარგმნელობით კომპანიასთან „თი არ ჯი“;
- აფხაზეთის ავტონომიური რესპუბლიკის დევნილთა საქმეების დეპარტამენტთან;
- საქართველოს ფინანსთა სამინისტროს შემოსავლების სამსახურთან.

საანგარიშო პერიოდში:

- შემუშავდა კომპატურად ჩასახლებული ობიექტებისა და მათში განთავსებული დევნილების შესახებ ინფორმაციის მიღების სპეციალური ფორმა (ანკეტა);

- აფხაზეთის ავტონომიური რესპუბლიკის სავაჭრო-სამრეწველო პალატამ, მასში გაერთიანებულ მეწარმეებთან ერთად, მონაწილეობა მიიღო ბიზნესმზღუნდსმენ ირაკლი ლექვინაძესთან შეხვედრაში, სადაც განხილულ იქნა მეწარმეებისათვის მნიშვნელოვანი საკითხები;
- მომზადდა და ჩატარდა 2018 წლის აფხაზეთის ა/რ სავაჭრო-სამრეწველო პალატის საბჭოს სხდომა, სადაც არჩეულ იქნა საბჭოს ოთხი ახალი წევრი. სხდომაზე სხვა საკითხებთან ერთად განიხილეს დევნილთა შორის მცირე და საშუალო ბიზნესის წარმოქმნისა და განვითარების ხელშეწყობის, ადმინისტრაციული საზღვრის გამყოფ ზოლთან სოფელი რუხის ტერიტორიაზე საინფორმაციო-საკონსულტაციო და სპეციალური ეკონომიკური სივრცის შექმნის საკითხები;
- შედგა შეხვედრა მიუნხენისა და ზემო ბავარიის სავაჭრო-სამრეწველო პალატის წევრებთან, მომზადდა ინფორმაცია პალატის საქმიანობის შესახებ და პალატის სამომავლო პროექტების მოკლე მიმოხილვა ქართულ და ინგლისურ ენებზე. შეხვედრაზე განხილულ იქნა ურთიერთთანამშრომლობის შესაძლებლობები;
- ბათუმში ჩატარებულ მეწარმე ქალთა ეროვნულ ბიზნესფორუმზე წარადგენილ იყვნენ პალატაში გაწევრიანებული ქალი მეწარმეები. ფორუმში მნიშვნელოვანი იყო მცირე და საშუალო ბიზნესის განვითარების ხელშეწყობისა და ბიზნესში ქალთა ჩართულობის გაზრდისათვის;
- მიმდინარეობდა შეხვედრები და კონსულტაციები სხვადასხვა ბიზნეს ასოციაციების დაფუძნებასთან დაკავშირებით. დაფუძნდა ორი ასოციაცია – აფხაზეთის ავტონომიური რესპუბლიკის ქალ ბიზნესმენტა ასოციაცია და აფხაზეთის ავტონომიური რესპუბლიკის სამედიცინო დაწესებულებებისა და მედიცინის მუშაკთა ასოციაცია;
- შედგა შეხვედრა შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატთან, სადაც განხილულ იქნა ჰუმანიტარული და სოციალურ-ეკონომიკური მდგომარეობა ოკუპირებული აფხაზეთის გამყოფი ხაზის გასწვრივ. გაიმართა მსჯელობა საქართველოს მთავრობის ინიციატივის ფარგლებში აფხაზეთის ოკუპირებული ტერიტორიების მოსახლეობასთან დაახლოების შესაძლებლობების, სოციალურ-ეკონომიკურ სფეროებში ურთიერთთანამშრომლობის, კონტაქტების განახლების, მიმოსვლის და საერთო ინტერესებზე დაფუძნებული ბიზნესურთიერთობების წახალისების საკითხებზე.

საანგარიშო პერიოდში გაგრძელდა მუშაობა აფხაზეთიდან იგპ-მეწარმეების პალატაში გაწევრიანების მიმართულებით. დაიგეგმა და განხორციელდა შეხვედრები პალატაში გაწევრიანებულ მეწარმეთათვის პალატის საქმიანობისა და სერვისების გაცნობის მიზნით.

ქ. სტამბოლში, BSEC-CPMR შტაბ-ბინაში გაიმართა ვორქშოფი თემაზე: „პროექტის პრომოუშენი“, რომლის ორგანიზატორები იყვნენ შავი ზღვის ეკონომიკური

თანამშრომლობის მუდმივი საერთაშორისო სამდივნო (BSEC PERMIS), საზღვაო პერიფერიული რეგიონების კონფერენცია (CPMR) და ამ კონფერენციის ბალკანეთი-შავი ზღვის კომისია (BBSC). სემინარის მიზანი იყო რეგიონის ხელისუფლებების როლისა და მნიშვნელობის წარმოჩენა ეკონომიკური პოლიტიკის შემუშავებაში, ხელმისაწვდომი დაფინანსების ინსტრუმენტების შექმნასა და მის ეფექტურ მენეჯმენტში. სემინარის მუშაობაში მონაწილეობა მიიღო აფხაზეთის ავტონომიური რესპუბლიკის სავაჭრო-სამრეწველო პალატამ.

საერთაშორისო და ადგილობრივ არასამთავრობო სექტორთან თანამშრომლობის კუთხით აქტიური მუშაობა ჩატარდა ნდობის აღდგენისა და შერიგების საკითხებში აფხაზეთის ავტონომიური რესპუბლიკის მთავრობის აპარატის მიერ. კერძოდ, საანგარიშო პერიოდში:

- ფლორენციაში გაიმართა რომულდო დელ ბიანკოს ფონდის ექსპერტთა მე-20 გენერალური ასამბლეა და საერთაშორისო სიმპოზიუმი „მემკვიდრეობა პლანეტა დედამიწისთვის 2018“. ასამბლეამ უმასპინძლა 23 ქვეყნის 250 მონაწილეს 56 ქალაქიდან, რომელთა შორის იყვნენ ადგილობრივი და საერთაშორისო ორგანიზაციის წარმომადგენლები, მკვლევარები და პროფესორები, საერთაშორისო ექსპერტები. შეხვედრების მიზანი იყო დისკუსიების ხელშეწყობა საერთაშორისო დონეზე, ცოდნისა და საუკეთესო გამოცდილების ურთიერთგაზიარება, ექსპერტებს, აკადემიური წრის წარმომადგენლებსა და პროფესიონალებს შორის დისკუსიების გამართვა ისეთ თემებზე, როგორცაა კულტურული მემკვიდრეობის შენარჩუნება თანამედროვე ტექნოლოგიების გამოყენებით, ინტერკულტურული დიალოგი და ამ პროცესებში კულტურული მემკვიდრეობის ეფექტური გამოყენება, ინტერკულტურული დიალოგისა და მშვიდობიანი თანაცხოვრების ხელშეწყობა. სიმპოზიუმზე ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის პირველმა მოადგილემ ყურადღება გაამახვილა დაკარგულ ტერიტორიებსა და ამ ტერიტორიებზე ქართული კულტურული მემკვიდრეობის ძეგლების მდგომარეობაზე. მორიგი პროექტი დაგეგმილია 2018 წლის სექტემბერში რომში. აღნიშნული საერთაშორისო პროექტის ორგანიზატორია ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატი;
- შედგა სამუშაო შეხვედრა შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატში, რომლის მიზანი იყო მუჰაჯირობის 140 წლისთავთან დაკავშირებით ღონისძიებების ჩატარების დაგეგმვა. განისაზღვრა ღონისძიებების ფორმატი;
- შედგა „ჩართულობის სტრატეგიის სამოქმედო გეგმის განხორციელების მიზნით სამთავრობო კომისიის“ სხდომა, რომელზეც გამიხილეს „ნაბიჯი უკეთესი მომავლისაკენ“ სამშვიდობო ინიციატივის განხორციელებისათვის შემდგომი ერთობლივი ნაბიჯების შემუშავების საკითხი.

აღსანიშნავია სსიპ „აფხაზეთის საინფორმაციო უზრუნველყოფის ცენტრის“ საქმიანობა. საანგარიშო პერიოდში მომზადდა და დაარქივდა სატელევიზიო მასალები. სისტემატურად შუქდებოდა დევნილთა სოციალური პრობლემები, ლეგიტიმური სტრუქტურების ყველა აქტივობა, სხვადასხვა კულტურული ღონისძიებები და საღამოები. ეთერში გავიდა სიუჟეტი ოკუპირებულ ტერიტორიაზე ქართული კულტურული მემკვიდრეობის ძეგლების სავალალო მდგომარეობის შესახებ. შეიქმნა დოკუმენტური ფილმი 1993 წლის 15-16 მარტის მოვლენების შესახებ, რომლის პრეზენტაციაც შედგა კინოს სახლში. ცენტრის მიერ მოპოვებული ყველა სიუჟეტი იტვირთება იუთუბზე, სოციალურ ქსელსა და ვებ-გვერდზე.

სოციალური სფერო

ჯანდაცვა

2018 წლის I კვარტალში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტრო, აფხაზეთის მოსახლეობის სამედიცინო უზრუნველყოფის ხელშეწყობის მიზნით, ახორციელებდა საქმიანობას სხვადასხვა პროგრამებით.

საანგარიშო პერიოდში განხორციელდა შემდეგი პროგრამები:

- *აფხაზეთიდან იძულებით გადაადგილებულ პირთა და მათი ოჯახის წევრთა (მეუღლე) ამბულატორიული დახმარების პროგრამა*

პროგრამა მოიცავდა რამდენიმე კომპონენტს:

- კომპიუტერული ტომოგრაფიული გამოკვლევის (კონტრასტით) კომპონენტი მიმართული იყო რთულ შემთხვევებში დიაგნოზის ვერიფიცირებისათვის. ითვალისწინებდა გამოკვლევას კომპიუტერულ ტომოგრაფზე კონტრასტით, რომლის სკანერი არანაკლებ 128 შრიანი სისტემაა. პროგრამის ბიუჯეტი შეადგენდა 36 000 ლარს. ელექტრონულ ტენდერში გაიმარჯვა შპს „რეგიონულმა ჰოსპიტალმა“, რომელთანაც დაიდო ხელშეკრულება 31 000 ლარზე. ეკონომიამ შეადგინა 5 000 ლარი. პროგრამა მოიცავდა 200 ეპიზოდის დაფინანსებას. ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 46 ბენეფიციარის სამედიცინო მომსახურება (55 ეპიზოდი). ანაზღაურებულმა თანხამ შეადგინა 8 525 ლარი;
- ბირთვული მაგნიტურ-რეზონანსული გამოკვლევების კომპონენტი ასევე მიმართული იყო რთულ შემთხვევებში დიაგნოზის ვერიფიცირებისათვის. პროგრამა ითვალისწინებდა გამოკვლევის ჩატარებას ნარკოზისა და კონტრასტის გარეშე, ანგიოგრაფიით და ნარკოზით ბირთვულ მაგნიტურ-რეზონანსულ ტომოგრაფზე, რომლის მაგნიტური ველის ინდუქტივობა არანაკლებ 3 ტესლაა.

პროგრამის ბიუჯეტი შეადგენდა 101 500 ლარს. ელექტრონულ ტენდერში გაიმარჯვა შპს „რეგიონულმა ჰოსპიტალმა“, რომელთანაც დაიდო ხელშეკრულება 73 999 ლარზე. ეკონომიამ შეადგინა 27 501 ლარი. პროგრამა მოიცავდა 400 ეპიზოდის დაფინანსებას. ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 157 ბენეფიციარი (169 ეპიზოდი). მათ შორის:

- ❖ ბირთვული მაგნიტურ-რეზონანსული ტომოგრაფია ნარკოზისა და კონტრასტის გარეშე - 160 ეპიზოდი;
- ❖ ბირთვული მაგნიტურ-რეზონანსული ტომოგრაფია ანგიოგრაფიით - 7 ეპიზოდი;
- ❖ ბირთვული მაგნიტურ-რეზონანსული ტომოგრაფია ნარკოზით - 2 ეპიზოდი;

ანაზღაურებულმა თანხამ შეადგინა 31 403,8 ლარი;

- ინსტრუმენტული გამოკვლევების კომპონენტი ითვალისწინებდა ბენეფიციართა უფასო კვალიფიციური სამედიცინო დახმარების ხელმისაწვდომობას ინსტრუმენტული გამოკვლევების მიღებაში.

პროგრამის ბიუჯეტი განისაზღვრა 14 000 ლარით. ტენდერში გაიმარჯვა შპს „ავერსის კლინიკამ“, რომელთანაც გაფორმდა ხელშეკრულება 14 000 ლარზე. პროგრამა ითვალისწინებდა თავის ტვინისა და ქვედა კიდურების დოპლეროგრაფიას, ეზოფაგოდუოდენოსკოპიას, ციფრულ რენტგენოგრაფიას, ელექტროენცეფალოგრაფიას, კოლპოსკოპიას (230 ეპიზოდი).

ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 156 ბენეფიციარის სამედიცინო მომსახურება (189 ეპიზოდი). ანაზღაურებულმა თანხამ შეადგინა 11 680 ლარი;

- ორთოპედიული (სტომატოლოგიური პროთეზირება) მომსახურების კომპონენტი ითვალისწინებდა ორთოპედიულ მკურნალობას (ზედა და ქვედა ყბის ნაწილობრივი ან სრული მოსახსნელი პლასტმასის კონსტრუქცია). ბიუჯეტი განისაზღვრა 20 000 ლარით. მომსახურების შესყიდვაზე გამოცხადებულ ელექტრონულ ტენდერში გამარჯვებულად გამოცხადდა შპს „32 დენტი“ თანხით 11 000 ლარი. ეკონომიამ შეადგინა 9 000 ლარი. პროგრამა მოიცავდა 100 ეპიზოდის დაფინანსებას (ერთეულის ფასი – 110 ლარი).

ინდივიდუალური სამედიცინო დახმარების კომისიის გადაწყვეტილებით დაფინანსდა 55 ბენეფიციარის სამედიცინო მომსახურება (100 ეპიზოდი). ანაზღაურებულმა თანხამ შეადგინა 11 000 ლარი. პროგრამა დასრულდა;

- სამკურნალო რეაბილიტაციის კომპონენტი ითვალისწინებდა დევნილთათვის სარეაბილიტაციო მკურნალობის უზრუნველყოფას. პროგრამის ბიუჯეტი

შეადგენდა 27 000 ლარს. ელექტრონულ ტენდერში გაიმარჯვა შპს „დავით ტატიშვილის სპორტული მედიცინოსა და რეაბილიტაციის ცენტრმა“, რომელთანაც გაფორმა ხელშეკრულება 21 604 ლარზე (75 ბენეფიციარის დაფინანსება). ეკონომიამ შედაგინა 5 396 ლარი. საანგარიშო პერიოდში ინდივიდუალური სამედიცინო დახმარების კომისიის გადაწყვეტილებით დაფინანსდა 39 ბენეფიციარი (78 ეპიზოდი), მათ შორის:

- ❖ შეზღუდული შესაძლებლობის სტატუსის მქონე 18 წლამდე ასაკის ბავშვების რეაბილიტაციის კომპონენტით – 5 ბენეფიციარი;
- ❖ 18 წლამდე ასაკის ბავშვების სამედიცინო რეაბილიტაციის კომპონენტით – 9 ბენეფიციარი;
- ❖ 18 წლის ზევით ასაკის ნევროლოგიურ და ტრავმისშემდგომ პაციენტთა რეაბილიტაცია – 25 ბენეფიციარი;
- ❖ კონსულტაცია – 39 ბენეფიციარი.

ანაზღაურებულმა თანხამ შეადგინა 2 864 ლარი;

- მხედველობის ორგანოს სკრინინგული გამოკვლევის კომპონენტის მიზანს წარმოადგენდა ბენეფიციართა უფასო კვალიფიცირებული სამედიცინო დახმარების ხელმისაწვდომობა. პროგრამის ბიუჯეტი განისაზღვრა 10 000 ლარით. ელექტრონულ ტენდერში გაიმარჯვა შპს „ავერსის კლინიკამ“, რომელთანაც გაფორმდა ხელშეკრულება 10 000 ლარზე. პროგრამა ითვალისწინებდა ექიმ-სპეციალისტთა კონსულტაციებს, მხედველობის სიმახვილის განსაზღვრას, ოფთალმოსკოპიას, რქოვანას ტოპოგრაფიას, კოჰერენტულ ტომოგრაფიას და კომპიუტერულ პერიმეტრიას (სულ 194 ეპიზოდი).

საანგარიშო პერიოდში ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 52 ბენეფიციარის სამედიცინო მომსახურება (61 ეპიზოდი). ანაზღაურებულმა თანხამ შეადგინა 1 732 ლარი;

- რეპროდუქციული ჯანმრთელობის გაუმჯობესების კომპონენტის მიზანს წარმოადგენდა თანამედროვე მაღალტექნოლოგიური კვლევისა და მკურნალობის მეთოდების დახმარებით წყვილთა უნაყოფიბის დიაგნოსტიკა.

პროგრამის ბიუჯეტი შეადგენდა 5 000 ლარს. ელექტრონულ ტენდერში გამარჯვებულია გახდა შპს აკ. ვ. ივერიელის სახელობის ენდოკრინოლოგია-მეტაბოლოგია-დიეტოლოგიის ცენტრი „ენმედიცი“, რომელთანაც გაფორმდა ხელშეკრულება 4 850 ლარზე. ეკონომიამ შეადგინა 150 ლარი. პროგრამა ითვალისწინებდა ექიმ-სპეციალისტთა კონსულტაციებს, კლინიკო-ლაბორატორიულ გამოკვლევებს (88 ეპიზოდი). საანგარიშო პერიოდში დაფინანსდა 12 ბენეფიციარის ამბულატორიული მომსახურება (76 ეპიზოდი). ანაზღაურებულმა თანხამ შეადგინა 1 644 ეპიზოდი;

- სისხლის მიმოქცევის სისტემის სკრინინგული გამოკვლევების კომპონენტის მიზანს წარმოადგენდა სისხლის მიმოქცევის სისტემის დაავადებათა ადრეული დიანოსტიკა და გართულებათა პრევენცია. პროგრამის ბიუჯეტი განსაზღვრული იყო 8 300 ლარით. ელექტრონული ტენდერის შედეგად გამარჯვებული გახდა შპს „ავერსის კლინიკა“, რომელთანაც გაფორმდა ხელშეკრულება 6 800 ლარზე. ეკონომიამ შეადგინა 1 500 ლარი. პროგრამა ითვალისწინებდა ექიმ-კარდიოლოგის კონსულტაციას და ექოკარდიოგრაფიას, სრული ლიპიდური სპექტრის განსაზღვრას, 24-საათიანი ეკგ მონიტორინგს და ფიზიკური დატვირთვის სინჯს-პრედმილს (140 ეპიზოდი). საანგარიშო პერიოდში ინდივიდუალური სამედიცინო დახმარების დადებითი გადაწყვეტილებით დაფინანსდა 56 ბენეფიციარის სამედიცინო მომსახურება (95 ეპიზოდი). ანაზღაურებულმა თანხამ შეადგინა 2 610 ლარი;
- ლაბორატორიული კვლევების კომპონენტის ბიუჯეტი განისაზღვრა 7 600 ლარით. ელექტრონულ ტენდერში გამარჯვებულად გამოცხადდა შპს აკ. ვ. ივერიელის სახელობის ენდოკრინოლოგია-მეტაბოლოგია-დიეტოლოგიის ცენტრი „ენმედიცი“, რომელთანაც გაფორმდა ხელშეკრულება 6 070 ლარზე. ეკონომიამ შეადგინა 1 530 ლარი. პროგრამა ითვალისწინებდა 40 ეპიზოდის დაფინანსებას (წვრილნემსიანი ასპირაციული ბიოფსია FNA ულტრაბგერის კონტროლით - 20 და სხვადასხვა ბიოფსიური მასალის მორფილოგია და იმუნოჰისტოქიმია - 20). საანგარიშო პერიოდში ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 8 ბენეფიციარის სამედიცინო მომსახურება (11 ეპიზოდი). ანაზღაურებულმა თანხამ შეადგინა 768,50 ლარი;
- ოფთალმოლოგიური პროფილის პათოლოგიათა ამბულატორიული ოპერაციული მკურნალობის კომპონენტის მიზანს წარმოადგენდა თვალის რეფრაქციული ანომალიის კორექცია ლაზერით. პროგრამის განსახორციელებლად ჩატარდა ელექტრონული ტენდერი, რომელშიც გაიმარჯვა შპს „ნიუ ჰოსპიტალსი“ 18 560 ლარით. ეკონომიამ შეადგინა 1 740 ლარი. პროგრამა ითვალისწინებდა 14 ეპიზოდის დაფინანსებას;
- აბილიტაციის კომპონენტის მიზანს წარმოადგენდა მენტალური განვითარების დარღვევის მქონე ბავშვთა მაქსიმალური სოციალური ადაპტაცია და საზოგადოების დამოუკიდებელ და აქტიურ წევრად ჩამოყალიბების შესაძლებლობის ფორმირება. პროგრამის განსახორციელებლად ჩატარდა ტენდერი 19 550 ლარზე, რომელშიც გაიმარჯვა „სარეაბილიტაციო და სოციალური ადაპტაციის ცენტრმა აისი“ 19 210 ლარით. ეკონომიამ შეადგინა 340 ლარი. პროგრამა ითვალისწინებდა 34 ბენეფიციარის დაფინანსებას. განხორციელება დაიწყო 2018 წლის მე-2 კვარტლიდან.
- ახეზეთიდან იძულებით გადაადგილებულ პირთა, მათი ოჯახის წევრთა (მეუღლე), ჰოსპიტალური მკურნალობის პროგრამის კოორნარული

ანგიოგრაფიის კომპონენტი მოიცავდა საპროგნოზო პერიოდში ჰოსპიტალური დახმარების პროგრამის რეალიზებას კორონარული ანგიოგრაფიის მომსახურების გზით, რაც გულისხმობს სახელმწიფო შესყიდვების გზით ბენეფიციარებისათვის იმ დახმარების გაწევას, რაც დარჩენილი იყო სახელმწიფო ჯანდაცვითი პროგრამების მომსახურების ჩამონათვალის მიღმა.

ბიუჯეტი განისაზღვრა 15 000 ლარით. ელექტრონულ ტენდერში გაიმარჯვა შპს „ნიუ ჰოსპიტალსმა“, რომელთანაც გაფორმდა ხელშეკრულება 13 555 ლარზე. ეკონომიამ შეადგინა 1 445 ლარი. პროგრამა მოიცავდა 24 ეპიზოდის დაფინანსებას.

ინდივიდუალური სამედიცინო დახმარების კომისიის გადაწყვეტილებით დაფინანსდა 19 ბენეფიციარი, მაგრამ 2 ბენეფიციარს სასწრაფოდ დასჭირდა სტენტირება, რაც დაფინანსებულ იქნა მოსახლეობის საყოველთაო ჯანმრთელობის დაცვის სახელმწიფო პროგრამით და ამით გამოთავისუფლდა კორონაროგრაფიის 2 ეპიზოდი. 3-ს გეგმიურად სჭირდებოდა სტენტირება, დანარჩენ ბენეფიციარებს დაენიშნათ მედიკამენტოზური მკურნალობა და დინამიკაში კარდიოლოგის მეთვალყურეობა.

ამრიგად, საანგარიშო პერიოდში პროგრამის ფარგლებში დაფინანსდა 17 ბენეფიციარის სამედიცინო მომსახურება (17 ეპიზოდი). ანაზღაურებულმა თანხამ შეადგინა 3 953,65 ლარი.

საანგარიშო პერიოდში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტროს მიერ სულ ჯანდაცვითი პროგრამების ფარგლებში (გარდა პროფსამედიცინო გასინჯვებისა) დახმარება გაეწია 598 ბენეფიციარს (861 ეპიზოდი).

- აფხაზეთიდან იგპ-თა გასვლითი პროფილაქტიკური სამედიცინო გასინჯვების პროგრამის მიზანს წარმოადგენდა ადგილზე ინსტრუმენტული და ლაბორატორიული გამოკვლევების გზით ავადობის აქტიური გამოვლენა, დევნილთა მედიკამენტებითა და ჰუმანიტარული ტვირთით უზრუნველყოფა.

პროგრამის ბიუჯეტი განისაზღვრა 60 000 ლარით. პროგრამის მედიკამენტებით უზრუნველყოფისათვის განხორციელდა ელექტრონული ტენდერი 45 000 ლარზე, რომელშიც გამარჯვებული გახდა შპს „ავერსი ფარმა“. გაფორმდა ხელშეკრულება 44 300 ლარზე 68 დასახელების მედიკამენტზე. ეკონომიამ შეადგინა 700 ლარი.

- აფხაზეთიდან იძულებით გადაადგილებულ პირთა სოციალური მხარდაჭერის პროგრამის მიზანს წარმოადგენდა იგპ-თა სოციალური მხარდაჭერა, მოსარგებლებისათვის უფასო და ხარისხიანი სასწავლო-მიზნობრივი პროგრამების მიწოდება, სახსრების ენდოპროთეზირების ჩატარებაზე ფინანსური ხელმისაწვდომობის უზრუნველყოფა, ჯანმრთელობის დაცვა და ცხოვრების ხარისხის გაუმჯობესება.

პროგრამის მენჯ-ბარძყის სახსრის ტოტალური ენდოპროთეზით მომსახურების კომპონენტის ბიუჯეტმა შეადგინა 22 000 ლარი. ითვალისწინებდა მენჯ-ბარძყის სახსრის ენდოპროთეზის შესყიდვას 10 ბენეფიციარისათვის. ტენდერში გაიმარჯვა შპს „ივერმედმა“, რომელთანაც გაფორმდა ხელშეკრულება 19 200 ლარზე. ეკონომიამ შეადგინა 2 800 ლარი.

აფხაზეთის ავტონომიური რესპუბლიკის ჯანდაცვის სამინისტროს საქმიანობის ერთ-ერთ მიმართულებას წარმოადგენდა აფხაზეთის ოკუპირებულ ტერიტორიაზე მცხოვრები აფხაზი მოქალაქეებისათვის სამედიცინო დახმარების გაწევის საორგანიზაციო საკითხებში მონაწილეობა, მათი ჯანმრთელობის მდგომარეობის მონიტორინგი, განსახლება და შექმნილი პრობლემების დროს დაუყოვნებლივ რეაგირება.

საანგარიშო პერიოდში სამინისტროს დახმარებისათვის მიმართა ოკუპირებულ ტერიტორიაზე მცხოვრებმა 108 პირმა. სამინისტრომ განახორციელა აფხაზ პაციენტთა თანმხლები პირების დროებითი საცხოვრებლით უზრუნველყოფის პროექტი. რეფერალური ობიექტით ისარგებლა ოკუპირებული აფხაზეთის ტერიტორიაზე ლეგიტიმურად მცხოვრებმა 4-მა ბენეფიციარმა თანმხლებ პირებთან ერთად. თითოეული მოსარგებლის ჩასახლება აღნიშნულ ობიექტზე განხორციელდა „აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროს რეფერალური ობიექტით სარგებლობის წესის“ შესაბამისად.

გარდა ამისა, 2018 წლის I კვარტალში, სამინისტროს შუამდგომლობით, ორგანიზაციასთან „საქართველოს ქალები მშვიდობისა და სიცოცხლისათვის“ მიერ 20 ბენეფიციარს (მათ შორის 2 - ოკუპირებულ ტერიტორიაზე მცხოვრები) გადაეცა ინვალიდის ეტლი.

განათლება, კულტურა, სპორტი

საანგარიშო პერიოდში აფხაზეთის ავტონომიური რესპუბლიკის განათლებისა და კულტურის სამინისტროს მიერ განხორციელდა შემდეგი პროგრამები და ქვეპროგრამები:

- „სასკოლო ინფრასტრუქტურისა და სასწავლო გარემოს გაუმჯობესება“
ქვეპროგრამის ფარგლებში აფხაზეთის №5 საჯარო სკოლის სარემონტო მასალების შესაძენად გამოეყო 2 998,0 ლარი;
- „წარმატებული ახალგაზრდების მხარდაჭერის პროგრამა“
საანგარიშო პერიოდში განხილულ იქნა 88 განცხადება. პროექტით განსაზღვრული კრიტერიუმების მიხედვით დაფინანსდა 62 წარმატებული ახალგაზრდა აფხაზეთიდან.
- „კარიერის დაგეგმვის, პროფესიული განათლებისა და სკოლებში სახელობო-შემოქმედებითი ინიციატივების ხელშეწყობა“

ქვეპროგრამის ფარგლებში, საანგარიშო პერიოდში, კომისიის მიერ დადებითად გადაწყდა საჭირო თანხის გამოყოფის საკითხი. კერძოდ:

- აფხაზეთის №3 საჯარო სკოლას – 369,50 ლარი ნაჭრების შესაძენად;
- აფხაზეთის №12 საჯარო სკოლას – 400 ლარი თიხაზე სამუშაო მასალების შესაძენად;

- „დიმიტრი (არზაყან) ემუხვარისა და ჟიული შარტავას სახელობის სტიპენდიები“

ქვეპროგრამის ფარგლებში დაფინანსდა დიმიტრი (არზაყან) ემუხვარისა და ჟიული შარტავას სახელობის 4 სტუდენტი;

- „თანაბარი შესაძლებლობები - თანაბარი მზრუნველობა“

დაუნის სინდრომის დღესთან დაკავშირებით შეზღუდული შესაძლებლობის მქონე 25 მოზარდისათვის ზაალ სულაკაურის გასართობ ცენტრში მოეწყო გასართობი ღონისძიება ჯამბაზებისა და ანიმატორების მონაწილეობით. ზაალ სულაკაურის მიერ ჩატარდა ხატვის მასტერკლასი. ყველა მონაწილეს გადაეცა სამახსოვრო საჩუქარი;

- აფხაზეთის მეცნიერთა მხარდაჭერის პროგრამა

პროექტის ფარგლებში ასისტენტ-პროფესორის ნუგზარ კერესელიძის მგზავრობა იტალიაში (ფლორენცია), საერთაშორისო კომფერენციაზე დაფინანსდა 1 184,70 ლარით;

- „ქართულ-აფხაზური კულტურის პოპულარიზაცია“

ქვეპროგრამის ფარგლებში დაფინანსდა შემდეგი პროექტები:

- აფხაზეთის სიმღერისა და ცეკვის სახელმწიფო ანსამბლის „აფხაზეთი“ მონაწილეობა საიუბილეო კონცერტზე, რომელიც გაიმართა ქ. ერევანში და მიემდგვნა ანსამბლ „კრუნკის“ სამხატვრო ხელმძღვანელის ნუნუ გრიგორიანის 50 წლის იუბილეს;
- ქ. თბილისის მოსწავლე ახალგაზრდობის სასახლესთან არსებული ქორეოგრაფიული ანსამბლის „ფერხული“ წამყვანი სოლისტის ილიკო აბდელანის მონაწილეობა ქ. ბაქოში გამართულ ხალხური ცეკვის საერთაშორისო ფესტივალზე;
- აფხაზეთიდან დევნილი მხატვარ-დიზაინერის ეკატერინე გეგუჩაძის ნამუშევრების გამოფენა „წითელი ხაზი“, რომელიც შედგა აფხაზეთის ავტონომიური რესპუბლიკის განათლებისა და კულტურის სამინისტროსთან არსებულ ვ. არქანიას არტ-გალერეაში;

- ქ. ზუგდიდის მოსწავლე ახალგაზრდობის სასახლეში ქალთა საერთაშორისო დღისადმი მიძღვნილ კონცერტში გურამ ყურაშვილის სახელობის საგუნდო კაპელის მონაწილეობა;

- „სპორტულ ინიციატივათა მხარდაჭერის პროგრამა“

ქვეპროგრამის ფარგლებში დაფინანსდა:

- საკალათბურთო კლუბის „სოხუმი“ მგზავრობა ქ. ქუთაისში სუპერლიგის გათამაშებაში მონაწილეობის მისაღებად;
- „სასკოლო სპორტული ოლიმპიადა-2018“-ში აფხაზეთის სკოლის გუნდების რეგიონალურ ფინალურ თამაშებში მონაწილეობისათვის სპორტული ფორმებისა და ბურთების შეძენა.

- „სპორტულ ინიციატივათა მხარდაჭერის პროგრამა“

გაიმართა ღია პირველობები სპორტის სხვადასხვა სახეობებში. საქართველოს დამსახურებული მწვრთნელის ამირან მაისურამის სახელობის ტურნირზე თავისუფალ ჭიდაობაში აფხაზეთიდან წარმოდგენილ იყო ზემო აფხაზეთის გუნდი და დაბა წყნეთის საჭიდაო ბაზაზე არსებული გუნდი;

- „გალის რაიონის სკოლამდელი აღზრდისა და სახელოვნებო სკოლების პედაგოგთა და ადმინისტრაციულ-ტექნიკური პერსონალის ფინანსური დახმარება“


ქვეპროგრამის ფარგლებში დაფინანსდა გალის რაიონის სკოლამდელი აღზრდის დაწესებულებების, მუსიკალური და სამხატვრო სკოლების 153 ბენეფიციარი -- 80 პედაგოგი და 73 ადმინისტრაციულ-ტექნიკური პერსონალი.

ეკონომიკის სფერო

ბიზნეს სექტორი

2018 წლის I კვარტალში აფხაზეთის ავტონომიური რესპუბლიკის ბიზნეს სექტორის ორგანიზაციებში, რომელთაც მართავს როგორც აფხაზეთის ავტონომიური რესპუბლიკის ფინანსთა და ეკონომიკის სამინისტრო, ასევე სსიპ “საწარმოთა მართვის სააგენტო”, საშუალოდ 1 534 კაცი მუშაობდა. დასაქმებულთა შრომის ანაზღაურებამ ამ პერიოდში სულ შეადგინა 4 047,5 ათასი ლარი, საშუალო ხელფასის ოდენობამ თვეში – 879,5 ლარი.

დიაგრამა № 4: საშუალო თვიური ხელფასების შედარება 2018/1კვ.-2017/1კვ. მოქმედ ფასებში




როგორც №4 დიაგრამიდან ჩანს, 2018 წლის I კვარტალში საშუალო ნომინალური ხელფასი თვეში ერთ მომუშავეზე დაფიქსირდა 879,5 ლარის დონეზე, რაც წინა წლის ანალოგიური პერიოდის მაჩვენებელთან (817,5 ლარი) შედარებით გაიზარდა 7,6 პროცენტით.

პროდუქციის ბრუნვა¹ და გამოშვება²

2018 წლის I კვარტალში ბიზნეს საწარმოთა მიერ პროდუქციის ბრუნვა/გამოშვება განისაზღვრა 16 273,1 ათასი ლარით.

დიაგრამა № 5: პროდუქციის ბრუნვა/გამოშვება 2018/1კვ.-2017/1კვ.



¹პროდუქციის ბრუნვა – არის საანგარიშო პერიოდში ეკონომიკური ერთეულის მიერ განხორციელებული გაყიდვები ანუ დარიცხული შემოსავლები საქონლისა და მომსახურების გაყიდვებიდან (ბარტერის ჩათვლით). ბრუნვა მოიცავს ყველა გადასახადსა თუ ბაჟს საქონელსა და მომსახურებაზე (დღგ-ისა და აქციზის გარდა). მასში ჩაირთვება აგრეთვე ყველა ხარჯი (სატრანსპორტო, შეფუთვის და ა.შ.), რომლებიც დაეკისრება მყიდველს. ფასთა დაწვევა, ფასდაკლებები თუ ფასდათმობები, აგრეთვე დაბრუნებული ტარის ღირებულება შეიძლება გამოირიცხოს ბრუნვიდან (ნაღდი ანგარიშსწორებისას მხოლოდ ფასდაკლებების გამორიცხვით). ბრუნვაში არ ჩაირთვება აქტივების გაყიდვა, აგრეთვე სუბსიდიები.


²პროდუქციის გამოშვება – განსაზღვრავს ეკონომიკური ერთეულის მიერ ფაქტობრივად წარმოებული პროდუქციის რაოდენობას და რეალიზებული პროდუქციის მოცულობას, გადაყიდვისათვის შეძენილი საქონლისა და მომსახურების, აგრეთვე მატერიალური საბრუნავი საშუალებების მარაგების ცვლილებების ჩათვლით.

დიაგრამიდან №5 ჩანს, რომ 2018 წლის I კვარტალში პროდუქციის ბრუნვა და გამოშვება 2017 წლის ანალოგიური პერიოდის მაჩვენებელთან (11 963,5 ათასი ლარი) შედარებით გაიზარდა 4 309,6 ათასი ლარით, ანუ 36,0 პროცენტით. საანგარიშო პერიოდში პროდუქციის ბრუნვისა და გამოშვების საერთო მოცულობაში ძირითადი წილი (98,8%) მოდის ენერგეტიკაზე – 16 083,0 ათასი ლარი, ხოლო დანარჩენ საწარმოებზე – 190,0 ათასი ლარი, მათ შორის სამედიცინო პროფილის (პოლიკლინიკები) – 184,7 ათასი ლარი.

2018 წლის I კვარტალში ენერგოსაწარმოებმა (შპს „ენგურჰესი“ და შპს „ვარდნილჰესების კასკადი“) წინასწარი მონაცემებით სულ 718,5 მლნ.კვტ.სთ ელექტროენერგია გამოიმუშავეს. წინა წლის ანალოგიურ პერიოდთან შედარებით (693,5 მლნ. კვტ.სთ.) ელექტროენერგიის გამომუშავება 3,6%-ით გაიზარდა.

საანგარიშო პერიოდში ამ საწარმოებში დასაქმებული იყო სულ 1 154 კაცი, რომელთა საშუალო ხელფასი თვეში განისაზღვრა 1 057,0 ლარით, რაც 9,1 პროცენტით მეტია წინა წლის ანალოგიურ მაჩვენებელთან (968,7 ლარი) შედარებით.

დიაგრამა № 6: ენერგოსაწარმოების მიერ გამომუშავებული პროდუქციის ბრუნვა/გამოშვება 2018/1კვ.-2017/1კვ.



აფხაზეთის ავტონომიური რესპუბლიკის მთავრობის მიერ სახელმწიფო წილით დაფუძნებული საწარმოების ფუნქციონირების შედეგები

საანგარიშო პერიოდში აფხაზეთის ავტონომიური რესპუბლიკის ფინანსთა და ეკონომიკის სამინისტროს მართვაშია 17 შპს. 14 საწარმო წარმოადგენს სამედიცინო პროფილის დაწესებულებას (პოლიკლინიკები), რომელთაგან 7 მდებარეობს ქ. თბილისში. 7 პოლიკლინიკა განლაგებულია საქართველოს სხვადასხვა რეგიონში, კერძოდ:

- ქუთაისში - შპს „დევნილთა საოჯახო ცენტრი „ბიჭვინთა“;
- წალენჯიხაში - შპს „აფხაზეთიდან იგპ-თა ჯვარის ამბულატორია“;
- ხობში - შპს „აფხაზეთიდან იგპ-თა ხობის პოლიკლინიკა“;

- წყალტუბოში - შპს „აფხაზეთიდან იგპ წყალტუბოს პოლიკლინიკა“;
- სენაკში - შპს „აფხაზეთიდან იგპ სენაკის პოლიკლინიკა“;
- ზუგდიდში - შპს „აფხაზეთიდან იგპ ზუგდიდის პოლიკლინიკა“;
- ფოთში - შპს „აფხაზეთიდან იგპ-თა ფოთის პოლიკლინიკა“.

2018 წლის I კვარტალში შპს-ების:

- **საერთო შემოსავალმა** შეადგინა 536 845 ლარი, რაც გეგმიურ შემოსაველზე (542 776 ლარი) 5 931 ლარით ანუ 1,1%-ით ნაკლებია, ხოლო 2017 წლის შესაბამისი პერიოდის ფაქტიურ შემოსავლებთან (563 080 ლარი) შედარებით 26 235 ლარით ანუ 4,7%-ით ნაკლებია;
- **მთლიანმა ფაქტიურმა დანახარჯებმა** შეადგინა 527 563 ლარი, ანუ გეგმით გათვალისწინებულზე (519 862 ლარი) 7 701 ლარით ანუ 1,5%-ით მეტი, ხოლო 2017 წლის შესაბამისი პერიოდის ფაქტიურ დანახარჯებთან (525 473 ლარი) შედარებით 2 090 ლარით ანუ 0,4%-ით გაიზარდა;
- **საწარმოების ჯამურმა მოგებამ** 21 086 ლარი შეადგინა, რაც დაგეგმილზე (22 914 ლარი) 1 828 ლარით ანუ 8,0%-ით ნაკლებია. 2017 წლის შესაბამისი პერიოდის ფაქტიურ მოგებასთან (39 557 ლარი) შედარებით მოგება შემცირდა 18 491 ლარით;
- **წმინდა მოგებამ** 17 922 ლარი შეადგინა, რაც დაგეგმილზე (19 477 ლარი) 1 555 ლარით ანუ 8,0%-ით ნაკლებია. 2017 წლის შესაბამისი მაჩვენებელთან (33 641 ლარი) შედარებით წმინდა მოგება 15 719 ლარით შემცირდა.

ფუნქციონირებადი 15 შპს-დან საანგარიშო პერიოდი ხუთმა ზარალით დაამთავრა, რომლის ჯამურმა ოდენობამ 11 804 ლარი შეადგინა.

სსიპ სოციალური მომსახურების სააგენტოს კონტროლის დეპარტამენტმა მოახდინა 8 შპს-ის (შპს „აფხაზეთიდან იგპ-თა ზუგდიდის პოლიკლინიკა“, შპს „დევნილთა საოჯახო მედიცინის ცენტრი“, შპს „აფხაზეთიდან იგპ-თა ჯვარის ამბულატორია“, შპს სენაკის დევნილთა პოლიკლინიკა, შპს „დევნილთა საოჯახო ცენტრი „ბიჭვინთა“, შპს „აფხაზეთიდან იგპ-თა ხობის პოლიკლინიკა“, შპს „აფხაზეთიდან იგპ-თა ფოთის პოლიკლინიკა“, შპს დევნილთა საოჯახო მედიცინის ცენტრი „ცხუმი“) შემოწმება ჯანმრთელობის დაცვის სახელმწიფო პროგრამის ფარგლებში. გამოვლენილი დარღვევების გამო მათ დაუწესდა საჯარიმო სანქციები. სასამართლოში გასაჩივრების შემდეგ საჯარიმო სანქციები დროებით შეუჩერდა 2 შპს-ს (შპს „დევნილთა საოჯახო მედიცინის ცენტრი“, შპს დევნილთა საოჯახო მედიცინის ცენტრი „ცხუმი“). დანარჩენი ორგანიზაციებისათვის საჯარიმო სანქციები ამოქმედდა, რამაც გამოიწვია მათი ფინანსური მდგომარეობის გაუარესება და, შედეგად, ჯამური მოგებისა და წმინდა მოგების შემცირება. ასეთი ფინანსური ჩავარდნები, სავარაუდოდ, გაგრძელდება 2018 წლის ბოლომდე, რადგან ჯარიმების გადახდა გაწერილია მთელი წლის განმავლობაში.

მიუხედავად ზემოაღნიშნული პრობლემებისა, საანგარიშო პერიოდში საწარმოების უმრავლესობამ მოგებით დაასრულა.

2018 წლის I კვარტლის მონაცემების მიხედვით საწარმოების საშუალო რენტაბელობის დონემ 4,0% შეადგინა.

სსიპ აფხაზეთიდან იძულებით გადაადგილებულ პირთა სტაჟირების, კვალიფიკაციის ამაღლებისა და დასაქმების ხელშეწყობის ცენტრის „ბიზნესინკუბატორი“ (შემდგომ – „ბიზნესინკუბატორი“) მონაცემებით, სარგებლობაში არსებული ფართებიდან 2017 წლის დასასრულს იჯარით დატვირთული იყო 5 670 კვ.მ. საანგარიშო პერიოდში დამატებით ხელშეკრულება გაფორმდა 450 კვ.მ ფართზე. „ბიზნესინკუბატორში“ მოქმედ 14 კომპანიაში დასაქმებული იყო 95 ადამიანი, აქედან – 25 დევნილი.

2018 წლის I კვარტალში უშუალოდ სსიპ „ბიზნესინკუბატორში“ დასაქმებული იყო 12 პირი. საანგარიშო პერიოდში იჯარის შემოსავლებმა სულ შეადგინა 16 304 ლარი, რაც გასული წლის ანალოგიური პერიოდის მაჩვენებელს (8 930 ლარი) აღემატება 7 374 ლარით ანუ 82,6%-ით. სახელმწიფო ბიუჯეტში გადახდილი თანხა შეადგენს 4 460 ლარს, რაც 2017 წლის შესაბამისი პერიოდის მაჩვენებელზე (1 080 ლარი) 3 380 ლარით ანუ 4-ჯერ მეტია.

სოფლის მეურნეობა

2018 წლის I კვარტალში აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის მუშაობის პრიორიტეტული მიმართულებებს წარმოადგენდა დევნილთა დასაქმების ხელშეწყობა, ოკუპირებულ ტერიტორიაზე მოსახლეობის დახმარება მცენარეთა დაცვისა და ვეტერინარიის საკითხებში, კოლხური ბზის გადარჩენისა და „აზიურ ფაროსანასთან ბრძოლის“ სახელმწიფო პროგრამებში ჩართულობა, ფერმერთა და იძულებით გადაადგილებულ პირთა კონსულტირება, გარემოსდაცვითი საქმიანობა, იძულებით გადაადგილებულ პირთათვის საერთაშორისო და დონორი ორგანიზაციების მხარდაჭერით საარსებო წყაროებზე წვდომის ხელშეწყობი საქმიანობა, ფერმერთათვის პრაქტიკული საქმიანობის გაადვილების მიზნით სარეკომენდაციო ბუკლეტების გამოცემა.

საანგარიშო პერიოდში დაგეგმილი ღონისძიებების ფარგლებში:

➤ გალის რაიონის ტერიტორიაზე:

- მიმდინარეობდა მოსახლეობის საკუთრებაში არსებული შინაური ცხოველების გეგმიური და არაგეგმიური პროფილქტიკურ-სამკურნალო ღონისძიებები;

- ხორციელდებოდა მოსამზადებელი საქმიანობა სასოფლო-სამეურნეო კულტურების დაცვის მიმართულებით. საქმიანობა ძირითადად მიმართული იყო ფერმერთათვის განმარტებითი პრაქტიკული რეკომენდაციების მიწოდებისაკენ, რაც გულისხმობს ძველი და ახალი მეთოდების სიმბიოზს, სწორ დაგეგმარებასა და მეცნიერულად დადგენილი პრაქტიკული აქტივობების ჩატარებას.

გარდა ამისა, გალის რაიონის ტერიტორიისათვის დამახასიათებელი კლიმატური პირობებისა და ნიადაგის შედგენილობის საფუძველზე დეპარტამენტში ადგენენ ახალ რუქებს, რომელთა დახმარებით შესაძლებელია სავარგულების დაყოფა შესაბამის კულტურათა ნარგავების მოწყობისათვის.

- შემუშავდა ბროშურა „ჰერბიციდების გამოყენების როლი მეფუტკრეობაში“. სხვადასხვა რეგიონში დევნილებს გაეწიათ კონსულტაციები მეფუტკრეობის საკითხებზე;
- ჟურნალში „აგრარული საქართველო“ გამოსაქვეყნებლად მომზადდა აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის სპეციალისტთა 4 ნაშრომი;
- გრძელდებოდა თანამშრომლობა არასამთავრობო ორგანიზაციებსა და დევნილთა საინიციატივო ჯგუფებთან საგრანტო რესურსების მოძიებისა და დევნილების ჩართულობით სხვადასხვა სახის და მასშტაბის აგროპროექტების განხორციელების მიზნით. კვალიფიციური დახმარება და კონსულტაცია გაეწია 7 დევნილს და მოხერხდა საერთაშორისო ორგანიზაციებსა და ფონდებში მათი პროექტების ჩაბარება;

აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტი აქტიურადაა ჩართული „აზიურ ფაროსანასთან ბრძოლის“ სახელმწიფო პროგრამაში. საანგარიშო პერიოდში ქ. ზუგდიდში ჩატარდა კონფერენცია, რომლის ძირითადი დანიშნულება იყო კომპლექსურ ღონისძიებათა შორის მავნებლებთან ბრძოლის არსებული მეთოდების ეფექტურად გამოყენების აუცილებელი პრაქტიკული, სარეკომენდაციო წინადადებების შემუშავება და მოსახლეობისათვის მიწოდება. კონფერენციის მუშაობაში მონაწილეობა მიიღეს საქართველოს მთავრობის, საერთაშორისო დონორი ორგანიზაციებისა და საზოგადოებრივი სექტორის წარმომადგენლებმა, აგრეთვე სამეგრელო-ზემო სვანეთის რეგიონში და ოკუპირებულ გალის რაიონში მცხოვრებმა დევნილებმა. სხვა საკითხებთან ერთად განხილულ იქნა აფხაზეთის ოკუპირებულ ტერიტორიაზე „აზიური ფაროსანას“ წინააღმდეგ ბრძოლის 2018 წლის სახელმწიფო პროგრამით გათვალისწინებული აქტივობების განხორციელების მოსალოდნელი რისკები და მათი მინიმიზაციის გზები.

აღსანიშნავია, რომ აზიური ფაროსანას საწინააღმდეგო ღონისძიებებთან დაკავშირებით დეპარტამენტის სპეციალისტები თანამშრომლობენ მეცნიერთა ჯგუფებთან არსებული

ტრადიციული ქიმიური მეთოდების ალტერნატიული, ბიოლოგიური ტექნოლოგიების შემუშავებისათვის. ერთ-ერთი ასეთი მეთოდია წყლის ბიოდანამატებით ელექტროქიმიური აქტივაცია, რომლის გამოყენებით 10 წთ-ის ფარგლებში მოხერხდა აზიური ფარისანას განადგურება ლაბორატორიულ პირობებში მცენარისა და ფუტკრისათვის ზიანის მიყენების გარეშე. მეთოდის პრაქტიკული გამოცდისათვის საჭიროა მაღალი წარმადობის აქტივატორი და ლაბორატორია, სადაც ჩატარდება და დასრულდება აუცილებელი ქიმიური და ბიოქიმიური კვლევები.

საანგარიშო პერიოდში ტარდებოდა ტერიტორიის დასუფთავებისა და გამწვანების სამუშაოები. აღსანიშნავია, რომ ქ. თბილისის მერიის მიერ 2014 წელს სარგებლობაში გადმოცემული 7 ჰა მიწის ფართიდან 3 ჰა-ზე დარგული ნერგებიდან იხარა მხოლოდ აკაციის ნერგებმა, რომლის მიზეზიც, სპეციალისტთა აზრით, არის ნაგავსაყრელზე მყარი საფარის არარსებობა, მისი მოწყობისათვის კი საჭიროა ლანდშაფტური პროექტის შექმნა. პროექტი შეკვეთილია და ითვალისწინებს მთელ ტერიტორიაზე 1500000 კვ.მ გრუნტის შეტანას. გარდა ამისა, ქ. თბილისში, კრწანისის რაიონში მერიის მიერ უზურფრუქტით გამოყოფილ 15000 კვ.მ ტერიტორიის ფართობზე შექმნილი ლანდშაფტური პროექტის საფუძველზე აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის მიერ შემოტანილ იქნა 600მ³ ხარისხიანი მიწა და განხორციელდა 500 კვ.მ ტერიტორიის მოწყობა შემდგომში ზუგდიდის რაიონის სოფ. რუხიდან ჩამოტანილი კოლხური ბზის ნერგებით საბაზო მეურნეობის შესაქმნელად.

გარემოს დაცვის სამმართველოს თანამშრომლები ჩართულნი იყვნენ სახელმწიფო და საერთაშორისო გარემოსდაცვითი და სატყეო დარგის პროექტებსა და საგრანტო პროგრამებში. ატარებდნენ შემეცნებით ტრენინგ-სემინარებს. მომზადდა საინფორმაციო ბროშურა აფხაზურ, ქართულ და რუსულ ენებზე „რა უნდა ვიცოდეთ აზიური ფაროსანას შესახებ“.

სახელმწიფო ქონების მართვა და პრივატიზება

სახელმწიფო ქონების მართვისა და პრივატიზაციის დეპარტამენტი საანგარიშო პერიოდში განკარგავდა აფხაზეთის ავტონომიური რესპუბლიკის კუთვნილ უძრავ და მოძრავ ქონებას, კერძოდ:

აფხაზეთის ავტონომიური რესპუბლიკის ფინანსთა და ეკონომიკის სამინისტროს გადმოეცა:

მოძრავი ქონება

- საქართველოს პარლამენტის მიერ:

- ავტომანქანა „ფოლკსვაგენ პასატი“ სახ. ნომრით LUK-737, 2009 წლის გამოშვება, სარეგისტრაციო მოწმობის ნომრით WVWZZZ3CZAP016899, საწყისი საბალანსო ღირებულებით 45 461,0 ლარი, ნარჩენი ღირებულებით 0,0 ლარი;
- ავტომანქანა „ფოლკსვაგენ პასატი“ სახ. ნომრით TSP-041, 2009 წლის გამოშვება, სარეგისტრაციო მოწმობის ნომრით WVWZZZ3CZAP016823, საწყისი საბალანსო ღირებულებით 45 461,0 ლარი, ნარჩენი ღირებულებით 0,0 ლარი;
- საქართველოს შინაგან საქმეთა სამინისტროს მიერ:
 - „SKODA OCTAVIA” სახ. ნომრით KCK-087, საიდენტიფიკაციო ნომრით TMBAD4NE3E0082768, მასზე დამონტაჟებული 1 ცალი აკუმულატორით (75 ამპ/სთ) და 4 ცალი ზამთრის სეზონის საბურავით, ასევე ექსპლუატაციაში წამყოფი 4 ცალი ზაფხულის სეზონის საბურავით, საწყისი საბალანსო ღირებულებით 26 000,0 ლარი, ნარჩენი ღირებულებით 0,0 ლარი;
 - „SKODA OCTAVIA” სახ. ნომრით CJC-568, საიდენტიფიკაციო ნომრით TMBCK21ZXC2137214, მასზე დამონტაჟებული 1 ცალი აკუმულატორით (66 ამპ/სთ) და 4 ცალი ზამთრის სეზონის საბურავით, ასევე ექსპლუატაციაში წამყოფი 4 ცალი ყველა სეზონის საბურავით, საწყისი საბალანსო ღირებულებით 12 500,0 ლარი, ნარჩენი ღირებულებით 0,0 ლარი;
- სსიპ სულიერებისა და კულტურის ცენტრის მიერ - ავტომანქანა „მერსედეს ბენცი“ E-200, 1995 წლის გამოშვება, სახ. ნომრით IG-041-GI, საიდენტიფიკაციო ნომრით WDB2100351A070598, საწყისი საბალანსო ღირებულებით 3 607,12 ლარი, ნარჩენი ღირებულებით 2 395,13 ლარი;
- აფხაზეთის ავტონომიური რესპუბლიკის იუსტიციის დეპარტამენტის მიერ - ავტომანქანა „MERCEDES-BENZ C240“ სახ. ნომრით IIW-454, 2004 წლის გამოშვება, 1 სათადარიგო და 2 მეორადი საბურავით, საწყისი საბალანსო ღირებულებით 16 000,0 ლარი, ნარჩენი ღირებულებით 5 289,0 ლარი.

აფხაზეთის ავტონომიური რესპუბლიკის ფინანსთა და ეკონომიკის სამინისტროს მიერ გადაეცა:

მომრავი ქონება

- აფხაზეთის ავტონომიური რესპუბლიკის იუსტიციის დეპარტამენტს - ავტომანქანა „ფოლკსვაგენ პასატი“ სახ. ნომრით TSP-041, 2009 წლის გამოშვება, სარეგისტრაციო მოწმობის ნომრით WVWZZZ3CZAP016823, საწყისი საბალანსო ღირებულებით 45 461,0 ლარი, ნარჩენი ღირებულებით 0,0 ლარი;
- აფხაზეთის ავტონომიური რესპუბლიკის განათლებისა და კულტურის სამინისტროს - „SKODA OCTAVIA” სახ. ნომრით CJC-568, საიდენტიფიკაციო

ნომრით TMBCK21ZXC2137214, მასზე დამონტაჟებული 1 ცალი აკუმულატორით (66 ამპ/სთ) და 4 ცალი ზამთრის სეზონის საბურავით, ასევე ექსპლუატაციაში ნამყოფი 4 ცალი ყველა სეზონის საბურავით, საწყისი საბალანსო ღირებულებით 12 500,0 ლარი, ნარჩენი ღირებულებით 0,0 ლარი;

- აფხაზეთის ავტონომიური რესპუბლიკის სოფლის მეურნეობის, გარემოსა დაცვისა და ბუნებრივი რესურსების დეპარტამენტს - „მიცუბიში პაჯერო“, სახელმწიფო ნომრით LR-903-RR, 2007 წლის გამოშვება, საიდენტიფიკაციო ნომრით JMYLRV93W7J715457, საწყისი საბალანსო ღირებულებით 51 270,0 ლარი, ნარჩენი ღირებულებით 0,0 ლარი.

სხვა სამუშაოები:

- დეპარტამენტი ახორციელებდა სახელმწიფოს 100% წილობრივი მონაწილეობით დაფუძნებული საწარმოების მართვას, მათი ხელშეწყობის მიზნით წლიური და კვარტალური ანგარიშების ანალიზისა და, ანალიზის შედეგებიდან გამომდინარე, წინადადებებისა და რეკომენდაციების შემუშავებას საწარმოების მიერ მოთხოვნილი (რეინვესტირებული) თანხის მიზნობრივ გამოყენებაზე.
- შესწავლილ და გაანალიზებულ იქნა საწარმოთა 2018 წლის I კვარტლის ფინანსური ანგარიშები;
- შემუშავებულ და დამტკიცებულ იქნა (კორექტირებული, რეალური შემოსავლების გათვალისწინებით) საწარმოების 2018 წლის ბიზნეს გეგმები.

გეოლოგია

აფხაზეთის გეოლოგიისა და მინერალური რესურსების სააგენტოს მიერ საანგარიშო პერიოდში გაკეთდა აფხაზეთის ტერიტორიაზე არსებული მტკნარი, თერმული და მინერალური წყლების გეოლოგიურ-მინერაგენიული დახასიათება, მათი ეკონომიკური პოტენციალის განსაზღვრა. სისტემატურად ხორციელდებოდა:

- საინფორმაციო და სხვა წყაროებიდან ინფორმაციის მოძიება ოკუპირებულ ტერიტორიაზე მინერალური რესურსების უკანონო მოპოვება-გატანის შესახებ;
- აფხაზეთის სანაპირო ზოლის ლითონდინამიკური მდგომარეობის მონიტორინგი თანამედროვე დისტანციური მეთოდებით;
- გეოლოგიურ ფონდებში არსებული აფხაზეთის გეოლოგიური ჰიდროგეოლოგიური მასალების მოძიება, სისტემატიზაცია, გეოსაინფორმაციო პაკეტების მომზადება და შესაბამისი ელექტრონული ვერსიების შექმნა.

2018 წლის I კვარტალში ჩატარდა მოსამზადებელი სამუშაოები კონფერენციისათვის „აფხაზეთის შავი ზღვის სანაპირო ზოლის გეოეკოლოგიური მდგომარეობა და მასზე ანთროპოგენური ზემოქმედების შედეგების ანალიზი“.

საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი

დეპარტამენტის საქმიანობის ძირითად მიმართულებას წარმოადგენდა საქართველოს სხვადასხვა რეგიონში კომპაქტურად ჩასახლებული იგპ-ების საცხოვრებელი შენობა-ნაგებობების საინჟინრო ინფრასტრუქტურის მდგომარეობის შესწავლა და ანალიზი, საჭირო სარემონტო სამუშაოების მოცულობის დადგენა და შესაბამისი დეფექტური აქტების, ტექნიკური დოკუმენტაციების შედგენა.

აღნიშნულ პერიოდში, აფხაზეთის მთავრობის დავალების თანახმად, შემუშავებულ და წარმოდგენილ იქნა კომპაქტურად ჩასახლებული დევნილების საყოფაცხოვრებო პირობების გასაუმჯობესებლად გადაუდებელი სამუშაოების საორიენტაციო ღირებულებები რეგიონების მიხედვით. დადგენილ იქნა 87 ობიექტი, რომელიც მოითხოვს გადაუდებელი სარემონტო-სარეაბილიტაციო სამუშაოების ჩატარებას.

2018 წლის I კვარტალში:

- დეპარტამენტის თანამშრომლები მივლინებულ იყვნენ ქუთაისში, სადაც „სოხუმხელსაწყოს“ ტერიტორიაზე ჩატარდა აზომვითი სამუშაოები, გადაღებულ იქნა ფოტომასალა არქიტექტურული პანოს შესამუშავებლად და შესაბამისი ხარჯთაღრიცხვის გასაკეთებლად, რაც საფუძველს დაუდებს ქართულ-აფხაზური კულტურის ცენტრის მშენებლობას;
- აფხაზეთის ავტონომიური რესპუბლიკის მთავრობის დავალებით აფხაზეთის სახლმწიფო დრამატული თეატრის დარბაზის რეკონსტრუქციისათვის დამუშავდა დეფექტური აქტი, ლოკალურ-რესურსული ხარჯთაღრიცხვა და საპროექტო სამუშაოები. 460 ათასი ლარის ღირებულების სარეკონსტრუქციო სამუშაოები მოიცავს სცენის და ცალკე შემოსასვლელის მოწყობას, თეატრის დარბაზის სამშენებლო-სარემონტო სამუშაოებს, ტერიტორიის კეთილმოწყობას;
- შემუშავდა აფხაზეთის ავტონომიური რესპუბლიკის განათლებისა და კულტურის სამინისტროს შენობის სარდაფის პატარა დარბაზის სარეკონსტრუქციო სამუშაოების პროექტი, დეფექტური აქტი და ლოკალური ხარჯთაღრიცხვა, რომლის ღირებულებამ შეადგინა 22 835 ლარი.

გარდა ამისა, დეპარტამენტის თანამშრომლებისაგან ჩამოყალიბებული სამშენებლო ბრიგადა მონაწილეობას ღებულობდა ქ. თბილისში ილორის წმინდა გიორგის სახელობის ტაძრის მშენებლობაში.

აფხაზეთის ავტონომიური რესპუბლიკის ბიუჯეტი


აფხაზეთის ავტონომიური რესპუბლიკის რესპუბლიკური ბიუჯეტის შემოსულობებმა 2018 წლის I კვარტალში შეადგინა სულ 3 908,72 ათასი ლარი, რაც გეგმის (3 613,26 ათასი ლარი) 108,18%-ია.

გადასახადების სახეების მიხედვით ფაქტიურმა შემოსულობებმა შეადგინა:


- საშემოსავლო გადასახადი – 1 832,49 ათასი ლარი. გეგმა (1 563,26 ათასი ლარი) შესრულდა 117,2 %;
- სახელმწიფო ბიუჯეტიდან გამოყოფილი ტრანსფერი – 2 000,0 ათასი ლარი. გეგმა (2 000,0 ათასი ლარი) შესრულდა 100%-ით;
- სხვა შემოსავლები – 73,23 ათასი ლარი, რამაც გეგმის (50,0 ათასი ლარი) 152,5% შეადგინა.

ბიუჯეტის შევსების მთავარი წყაროებია ცენტრალური ბიუჯეტიდან მიღებული ტრანსფერი და საშემოსავლო გადასახადი, რომელთა ხვედრითი წილი შემოსავლების საერთო მოცულობაში 51,2 და 46,9 პროცენტს შეადგენს შესაბამისად. აღნიშნული შემოსავლები ჯამში საერთო შემოსავლების 98,0 პროცენტია, ანუ დანარჩენ შემოსავლებზე მოდის მხოლოდ 2,0 პროცენტი.

დიაგრამა №7: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/I კვ.



დიაგრამა №8: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/I კვ.-2017/I კვ.




ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები. 2018/I კვ.

ათასი ლარი

	გეგმა	ფაქტი	გეგმის შესრ.%	გეგმასთან შედ.+/-	ხვ. წილი გადასახდელბთან %
გადასახდლები – სულ მ.შ.	3613.3	3255.1	90.1	-358.1	100.0
შრომის ანაზღაურება	1835.4	1809.1	98.6	-26.3	55.6
შტატგარეშე მომუშავეთა ანაზღ.	290.9	274.4	94.3	-16.6	8.4
მივლინებები	43.6	34.9	80.0	-8.7	1.1
ოფისის ხარჯები	159.6	121.3	76.0	-38.3	3.7
წარმომადგენლობითი ხარჯები	8.7	7.4	84.9	-1.3	0.2
რბილი ინვენტარისა და უნიფორმის შეძენის და პირად ჰიგიენასთან დაკ. ხარჯები	0.60	0.58	96.7	-0.02	
ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები	125.5	99.6	79.4	-25.9	3.1
სხვა დანარჩენი საქონელი და მომსახურება	57.8	34.7	60.0	-23.1	1.1
სუბსიდია	673.0	594.7	88.4	-78.3	18.3
გრანტები	5.42	5.32	98.2	-0.1	0.2
სოციალური უზრუნველყოფა	264.8	197.8	74.7	-67.0	6.1
სხვა ხარჯები	85.7	67.4	78.7	-18.3	2.1
არაფინანსური აქტივების ზრდა	62.3	7.9	12.7	-54.4	0.2

დიაგრამა № 9: შემოსულობებისა და გადასახდელების შედარება 2018/I კვ.-2017/I კვ.



2018 წლის I კვარტლის შემოსავლები (ტრანსფერის გარეშე) წინა წლის ანალოგიური პერიოდის მაჩვენებელთან შედარებით შემცირდა 104,09 ათასი ლარით, რაც აიხსნება იმით, რომ აფხაზეთის ავტონომიური რესპუბლიკის ბიუჯეტის საგადასახადო შემოსავლებზე მოქმედებს სხვადასხვა ფაქტორები. კერძოდ, 2017 წლის დეკემბერში გაცემული შრომის ანაზღაურებაზე (მ.შ. პრემია) დარიცხული საშემოსავლო გადასახადი აისახება 2018 წელს, საშემოსავლო გადასახადის დეკლარაციის საგადასახადო კოდექსით განსაზღვრულ ვადებში წარდგენისას. გარდა ამისა, შეუძლებელია შპს „ენგურჰესზე“ და შპს „ვარდნილჰესების კასკადზე“ 2018 წელს განსახორციელებელი რეაბილიტაციიდან, სარემონტო სამუშაოებიდან აფხაზეთის ავტონომიური რესპუბლიკის ბიუჯეტში კუთვნილი საშემოსავლო გადასახადის სახით შემოსული თანხის ოდენობის წინასწარი განსაზღვრა.